


五倫書


五十九




卷之九 夫婦嘉言善行

庫	文	閣	內
三九	二八	三五	漢書
函	二	七	
一	三		
二架	冊	號	類

內閣文庫			
番號	漢	2857	
冊數	22 (19)		
函號	299	102	





五倫書卷之五十九

夫婦之道

御覽 嘉言

淺草文庫

易恒六五恒其德貞婦人吉夫子凶象曰婦人貞吉從一而終也夫子制義從婦凶也○家人女正位乎內男正位乎外男女正天地之大義也○六一無攸遂在中饋貞吉○夫婦之道不可以不久也故受之以恒

詩窈窕淑女君子好逑○言告師氏言告歸薄汚我私薄澣我衣言澣害不歸寧父母○之子于歸宜其室家○于以采芣于以用之公侯之事○被之僮僮夙夜在公被之析析薄言還歸○于以采蘋南澗之

實于以采藻于彼行流○于以盛之維筐及筥于以湘
 之維銷及金○于以奠之宗室牖下誰其尸之有齊季
 女○習習谷風以陰以雨黽勉同心不宜有怒采芣采
 芣無以下體德音其違及爾同死○女曰雞鳴士曰昧
 且子興視夜明星有爛將翱將翔弋鳧與鴈○弋言加
 之與子宜之宜言飲酒與子偕老琴瑟在御莫不靜好
 ○鷄既鳴矣朝既盥矣匪鷄則鳴蒼蠅之聲○無非無
 儀唯酒食是議無父母詒糶

禮記男子親迎男先於女剛柔之義也天先乎地君先乎
 臣其義一也執贄以相見敬章別也男女有別然後父
 子親父子親然後義生義生然後禮作禮作然後萬物

安無別無義禽獸之道也塔親御授綏親之也親之也
 者親之也敬而親之先王之所以得天下也出乎大門
 而先男帥女女從男夫婦之義由此始也婦人從入者
 也幼從父兄嫁從夫夫死從子夫也者夫也夫也者以
 知帥人者也○婦人無爵從夫之爵坐以夫之齒男不
 言內女不言外非祭非喪不相授器其相授則女授以
 籠其無籠則皆坐奠之而後取之外內不共井不共湑
 浴不通寢席不通乞假男女不通衣裳內言不出外言
 外言不聞男子入內不嘯不指夜行以燭無燭則止女子出
 門以掩蔽其面夜行以燭無燭則止道路男子由右女
 子由左○禮始於謹夫婦為官室辨外內男子居外女

深居內深宮固門闔寺守之男不入女不出男女不同
 梳洗不敢照於夫之揮施不敢藏於夫之篋笥不敢共
 浴浴夫不在歛枕篋簾席襪器而藏之○取妻不取同
 姓以厚別也故買妾不知其姓則上之○敬慎重正而
 後親之禮之大體而所以成男女之別而立夫婦之義
 也○婦順者順於舅姑和於室人而後當於夫以成絲
 麻布帛之事以審守委積蓋藏是故婦順備而后內和
 理而后家可長久也故聖王重之
 孟子男子生而願為之有室女子生而願為之有家
 王吉曰夫婦人倫大綱
 王通曰古者男女之族各擇德焉不以財為禮

司馬光曰婦者家之所由盛衰也

真德秀曰夫之道在敬身以帥其婦婦之道在敬身以承
 其夫故父之醮子必曰勉帥以敬送女必曰敬之戒之
 夫婦之道盡於此矣

善行
夫

列國晉與缺釋其妻懿之敬相待如賓白季使過與見之
 與之歸言諸文公曰敬德之聚也能敬必有德德以治
 若請用之文公以為下軍大夫

漢宋 武初為太尉湖陽公主新寡光武與共論朝臣
 後贊其意王曰宋公威容德器羣臣莫及帝以弘先有

妻難於斥言後弘被引見帝令王坐屏風後從容謂弘曰該云貴易交富易妻人情乎弘曰臣聞貧賤之交不可忘糟糠之妻不下堂帝顧王曰事不諧矣

魏常林少單貧自非手力不取之於人性好學漢末為諸生帶經耕鋤其妻自擔餉餽之林雖在田野其相敬如賓

晉山濤初為布衣家貧謂其妻韓曰忍飢寒我後當作三公及濤榮貴負慎儉約雖爵及十乘而無嬪媵

唐尉遲敬德累官至鄂國公太宗嘗謂曰朕欲以女妻卿何如敬德叩頭謝曰臣妻雖鄙陋相與共貧賤臣雖不學聞古人富不易妻此非臣所願也帝乃止

孫泰姨老以二女為託曰長女損一月汝可妻其女弟姨卒泰乃娶其姊或詰之荅曰人有廢疾非泰何適宋呂普舉進士聘里中女未行既中第婦家言曰吾女故無疾既聘而後盲普曰君不為欺又何辭遂娶之生五男子皆中進士第其一人丞相大防是也

孫明復退居秦山之陽枯槁憔悴鬚鬢皓白故相李迪守亮見之歎曰先生年五十一室獨居誰事左右不幸風雨飲食生疾奈何吾弟之女甚賢可以奉箕箒明復固辭迪曰吾女不妻先生不過一官人妻先生德高天下幸晉李氏明復曰相家女不以妻公侯貴戚而固以嫁山谷衰老藜藿不充之人相國之賢古無有也予不

以不成相國之賢遂娶之李氏亦耳淡薄事其夫盡禮
當時士大夫莫不賢之

周恭叔自太學早年登科幼議母黨之女登科後其女
雙瞽遂娶焉愛過常人程頤曰頤未三十時亦做不得
此事

劉庭式未第時議娶鄉人之女未納弊及登進士第女
以病喪明或勸納其幼女庭式笑曰吾心已許之美豈
可負吾初心哉卒娶之生數子後死時庭式通判密州
逾年不復娶州守蘇軾問曰哀生於愛愛生於色今君
愛何從生哀何從出乎庭式曰吾知喪吾妻而已吾若
緣色而生愛緣愛而生哀色衰愛弛吾哀亦忘則凡揚

袂倚市目挑而心招者皆可以為妻也耶軾深善其言
鄭叔通初定夏氏女為婚及登第歸則夏氏女已啞其
伯姒欲別擇叔通堅不可曰此女某若不娶平生遂無
所歸況以無恙而定婚因疾而遂棄豈人情哉竟娶之
妻

列國 衛共姜者世子共伯之妻也共伯蚤死共姜守義久
母欲奪而嫁之共姜不許作柏舟之詩以死自誓

晉趙衰妻趙姬晉文公之女也文公為公子時與衰奔
狄狄人入其二女叔隗季隗公以叔隗妻衰生盾及返
國以趙姬妻衰生原同屏括樓嬰趙姬請迎盾與其
母而納之衰辭而不敢姬曰不可夫得寵而忘舊不義

好新而媿故無恩與人勤於隘厄富貴而不顧無禮君棄此三者何以使人雖妾亦無以待執巾櫛衰許諾乃迎叔隗與者來姬以盾為賢請立為嫡子使二子下之以叔隗為內子姬親下之及者為正卿思姬之讓恩請以姬之中子屏括為公族大夫

叔姬者羊舌子之妻叔向叔魚之母叔向名勝叔魚名鮒羊舌子好正不容於晉去而之三室之邑三室之邑人相與攘羊而遺之羊舌子不受姬曰夫子居晉不容去之三室之邑又不容是於夫子不容也不如受之羊舌子受之曰為勝與鮒享之叔姬曰不可子常不遂今勝與鮒童子也隨大夫而化者不可食以不義之肉不

若埋之以明不與於是乃感以甕埋壙陰後二年攘羊之事發都吏至羊舌子曰吾受之不敢食也發而視之則其骨存焉都吏曰君子哉羊舌子不與攘羊之事矣齊杞梁之妻當莊公襲莒時梁戰而死莊公歸遇其妻使使者弔之於路梁妻曰今梁有罪君何辱命焉若令梁免於罪則賤妾有先人之敝廬在妾不得與郊弔於是莊公乃還車詣其室成禮然後去梁之妻無子內外皆無五屬之親既無所歸乃枕其夫之屍於城下而哭至誠動人道路過者莫不為之揮淚既葬曰吾何歸矣夫婦人必有所倚者父在則倚父夫在則倚夫子在則倚子今吾上則無父中則無夫下則無子內無所依以

見吾誠外無所倚以見吾節吾豈能更二哉亦死而已
遂赴泔水而死

命婦者晏子僕御之妻也晏子將出命婦窺之其夫為
御擁大蓋策駟馬意氣洋洋甚自得也既歸其妻曰宜
矣子之卑且賤也夫曰何也妻曰晏子長不滿六尺身
相齊國名顯諸侯長者吾從門間觀之其志恂恂自下
思念深矣今子身長八尺乃為之僕御然子之意洋洋
若自足者妾是以去也其夫謝曰請自改何如妻曰是
懷晏子之智而加以八尺之長也夫躬仁義事明主其
名必揚矣且吾聞寧榮於義而賤不虛驕以貴於是其
夫乃深自責學道謙遜若常不足晏子怪而問其故具

以實對晏子賢其能納善自改升諸景公以為大夫顯
其妻以為命婦

楚貞姬者白公勝之妻也白公死貞姬紡績不嫁吳王
聞其美且有行使大夫持金百鎰白璧一雙以聘焉以
輜駟三十乘迎之將以為夫人大夫致幣貞姬辭之曰
白公生時妾幸得克後宮執箕帚掌衣履拂枕席託為
妃匹白公不幸死妾願守其墳墓以終天年今王賜金
璧之聘夫人之位非愚妾之所聞也且夫棄義從欲者
污也見利忘死者貪也夫貪污之人王何以為哉妾聞
之忠臣不借人以力貞女不假人以色豈獨事生若此
於死者亦然妾既不仁不能從死今又去而嫁不亦大

其乎遂辭聘而不行吳王賢其守節有義號曰貞姬
 宋女者鮑蘇之妻也養姑甚謹鮑蘇仕衛三年而娶
 外妻女宗妣謂曰可以去美女宗曰何故妣曰夫人既
 有斯好子何留乎女宗曰婦人以專一為良以善從為
 順豈以專夫室之愛為善哉夫禮天子十二諸侯九鄉
 大夫三士二今吾夫誠士也有二不亦宜乎且婦人有
 七見去姪正為首吾妣不教吾以居室之禮而反欲使
 吾為見棄之行遂不聽事姑愈謹宋公聞之表其間號
 曰女宗

魯黔婁之妻當黔婁死曾子與門人往弔之其妻出戶
 曾子吊之上堂見黔婁之屍在牖下枕擊席蒙緇袍不

表覆以布被手足不盡斂覆頭則足見覆足則頭見曾
 子曰斜引其被則斂矣妻曰斜而有餘不如正而不足
 也生時不邪死而邪之非其意也曾子不能應遂哭之
 曰嗟乎先生之終也何以為謚其妻曰以康為謚曾子
 曰先生在時食不充口衣不蓋形死則手足不斂傍無
 酒肉生不得其美死不得其榮何樂於此而謚為康乎
 其妻曰昔君嘗欲授之政以為國相先生辭而不為是
 有餘貴也君嘗賜之粟三十鍾先生辭而不受是有餘
 富也彼先生者其天下之澹味安天下之卑位不戚戚
 於貧賤不忻忻於富貴求仁而得仁求義而得義其謚
 曰康不亦宜乎曾子曰唯斯人也而有斯婦

陶大夫荅子妻見荅子治陶三年名譽不興家富三倍
 數誦レ不用居五年從車百乘歸休宗人擊牛而賀荅子
 其妻獨抱兒而泣姑怒曰何其不祥也婦曰夫子能薄
 而官大是謂レ害無功而家昌是謂レ積殃昔楚令尹子
 文之治國也家貧國富君敬民戴故福結於子孫名垂
 於後世今夫子不然貪レ富務大不顧後害妾聞南山有
 玄豹霧雨七日而不下食何也欲以澤其毛而成文章
 也故蔽而遠害太坳不擇食以肥其身坐而須死耳今
 夫子治陶家富國貧君不敬民不戴敗亡之徵見矣今
 願與少子俱脫姑怒遂棄之期年荅子之家果以盜誅
 唯其母老以免其妻乃與少子歸養姑終天年

漢鮑宣妻桓氏字少君宣嘗就少君父學父奇其清苦故
 以女妻之裝送資賄甚盛宣不悅謂妻曰少君生富驕
 習美飾而吾實貧賤不敢當禮妻曰大人以先生修德
 守約故使妾侍執巾櫛既奉承君大唯命是從宣笑曰
 能如是是吾志也妻乃悉歸侍御服飾更著短布裳與
 宣共挽鹿車歸鄉里拜姑禮畢提甕出汲備行婦道鄉
 邦稱之

梁鴻妻孟氏姿貌甚醜而德行甚脩鄉里多求者孟氏
 輒レ不行年二十父母問其所欲對曰欲節操如梁鴻
 時鴻未娶世家多願妻之亦不許聞孟氏語言遂求
 納之孟氏盛飾入門七日而禮不成孟氏跪問曰竊聞

夫子高義今來而見擇請問其故鴻曰吾欲得衣裘褐
 之人與共道世選時今若衣綺繡傳代墨墨非鴻所願也
 子次曰妾幸有隱居之具乃更簞衣椎髻而前鴻喜曰
 誠鴻妻也字之曰德曜名光共遁霸陵山中後復相從
 至會稽賃舂為事雖雜庸保之中孟氏每進食舉案齊
 眉不敢正視以禮備身

王霸妻不知何氏女霸少立高節光武時連徵不仕妻
 亦美志行初霸與同郡令狐子伯為交後子伯為楚相
 其子為郡功曹子伯令之奉書於霸車馬服從雍容如
 也霸之子時方耕於野聞賓至投耒而歸見令狐子伯
 作不能仰視霸目之有愧容客去而久卧不起妻怪問

其故霸曰吾與子伯素不相若向見其子容服甚光舉
 措有適而我兒蓬髮歷齒未知禮則見客而有慚色父
 子恩深不覺自失耳妻曰君少脩清節不顧榮祿今子
 伯之貴孰與君之高奈何忘宿志而慙兒女子乎霸崛
 起而笑曰有是哉遂共終身隱遯

樂羊子妻不知何氏女羊子嘗行路得遺金一餅還以
 與妻妻曰妾聞志士不飲盜泉之水廉者不受嗟來之
 食况拾遺求利以汙其行乎羊子大慙乃捐於野而遠
 學一年來歸妻跪問其故羊子曰久行懷思無他
 一絲之累以至於寸累寸不已遂成丈匹今若斷斯織
 一絲之累以至於寸累寸不已遂成丈匹今若斷斯織

也則拍失成功積歲時月夫子積學當日知其既亡以
驚德若中道而歸何異斷斯織乎羊子感其言還就
遂七年不返妻常躬勤養姑又遠饋羊子俾卒業
許升妻呂氏字榮升少為博徒不理操行榮嘗躬勤家
業以奉養其姑數勸升脩學每有不善輒流涕進規榮
父積忿疾升乃呼榮欲改嫁之榮歎曰命之所遭義無
離貳終不肯歸升感激自勵乃尋師遠學遂以成名尋
被本州辟命行至壽春為盜所殺刺史尹耀捕盜得之
榮迎喪於路聞而詣州請甘心讎人耀聽之榮乃手斷
其頭以祭升靈後郡遭寇賊賊欲犯之榮踰垣走賊拔
刀追之賊曰從我則生不從我則死榮曰義不以身受

辱寇虜遂殺之是日疾風暴雨雷電晦冥賊惶懼叩頭
謝罪乃殯葬之

劉長卿妻桓氏生男五歲而長卿卒桓氏防遠嫌疑不
肯歸寧兒年十五又夭歿桓氏慮不免乃豫刑其耳以
自誓宗婦相與慰之謂曰若家殊無他意假令有之猶
可因姑姊妹以表其誠何貴義輕身之甚哉對曰昔我
先君五更學為儒宗尊為帝師五更以來男以忠孝顯
女以貞順稱詩云無忝爾祖聿修厥德是以豫自刑剪
明我情沛相王吉上奏高行顯其門閭號曰行義桓

皇甫規妻不知何氏女善屬文能草書時為規答書記

衆人怪其工及規卒時妻年猶盛而容色美後董卓爲國聘以駟輜百乘馬二十疋奴婢錢帛充路妻乃輕服詣卓門跪自陳請辭甚酸愴卓使傅奴侍者悉拔刀圖之而謂曰孤之威教欲令四海風靡何有不行於一婦人乎妻知不免乃立罵卓曰君走胡之種毒害天下猶未足耶妾之先人清德奕世皇甫氏文武上才爲漢忠臣君親非其趣使走吏乎敢欲行非禮於爾君夫人耶卓乃引車庭中以其頭懸轆轤撲交下妻謂持杖者曰何不重乎速盡爲惠遂死車下後人圖畫號曰禮宗云

陰瑜妻荀氏名采穎川荀爽女也聰敏有才藝適陰氏

產一女而瑜卒後同郡郭奕喪妻爽以采許之因詐稱病篤召采既不得已而歸懷刃自誓爽令傳婢執奪其刃扶掖載之既到郭氏乃偽爲歡喜之色謂左右曰我本立志素情不遂奈何乃使建四燈盛裝飾請奕入相見共談言辭不輟奕敬懼之遂不敢逼至曙而出采因勅左右辨浴既入室而掩戶權令侍人避之以粉書扉上曰屍還陰氏遂以衣帶自縊時人傷焉

三國吳孫翊妻徐氏有美色賊嬖覽殺翊悉取其嬖妾而復欲逼徐徐氏恐違之見害乃使人謂覽乞至晦自將孫高傳嬰二人具白逼已之狀欲以求助焉高嬰等

許之乃密結翊平時所待養二十餘人盟誓合謀至晦
日徐氏遂設祭除服薰衣沐浴內施帷帳以俟覽焉覽
密偵之無復疑慮徐氏乃命高嬰輩羅往戶外使人
報覽言已除凶畢矣覽遂盛飾而入徐氏出拜戶外覽
總下拜徐氏即呼高嬰等齊出殺覽徐氏仍服衰絰持
覽首以祭翊墓舉軍震駭以為神

晉梁緯妻辛氏緯為散騎常侍西都陷沒為劉曜所害辛
氏有殊色曜將納之辛氏據地大哭仰謂曜曰妾聞男
以義烈女不再醮妻夫已死理無獨全且夫人再辱明
公亦安用哉乞即就死下事舅姑遂號哭不止曜曰貞
婦也任之乃自縊而死曜以禮葬之

許延妻杜氏延為益州別駕為李驥所害驥欲納杜氏
為妻杜氏號哭守夫屍罵驥曰汝輩逆賊無道死有先
後寧當久活我杜家女豈為賊妻也驥怒害之

後魏薄妻房氏貴鄉太守房湛之女也幼有烈操年十
六而溥遇疾且卒顧謂之曰死不足恨但痛母老家貧
赤子蒙耿抱怨於黃壚耳房垂泣而對曰幸承先人餘
訓出事君子義在偕老有志不從蓋其命也今夫人在
堂弱子襁褓顧當以身以相感永深長往之恨俄而溥
卒及將大斂房氏擗刀割左耳投之棺中仍曰鬼神有
才期泉壤流血滂然助喪者哀懼姑劉氏輟哭而謂
曰新婦何至於此對曰新婦年少不幸早寡寔慮父母

未量至情，觀持此自誓，耳聞知者莫不感愴。

裴倫妻柳氏，少有夙訓，大業末，倫為涇源令，屬薛舉之亂，縣城為賊所陷，倫遇害，柳氏年四十有二，女及兒婦三人，皆有美色，柳氏謂之曰：我輩遭逢禍亂，汝父已死，自念不能全汝，我門風有素義，不受辱於羣賊，我將與汝等同死，如何？其女等皆垂泣曰：唯母命，柳氏遂自投於井，其女及婦相繼而下，皆死於井中。

唐房玄齡妻盧氏，玄齡微時，病垂死，諺曰：吾病革，君年少，不可寡居，善事後人，盧泣入帷中，剔一目示玄齡，明無它玄齡，良瘡禮之終身。

魏徵妻裴氏，徵卒，太宗命百官赴喪，給羽葆鼓吹陪葬。

昭陵裴氏曰：夫平生儉素，今葬以羽儀，非其志也，悉辭不受，以布車載柩而葬。

韋雍妻蕭氏，雍在幽州幕府，朱克融亂，雍被劫，蕭聞難，與雍皆出，左右格之不退，雍臨刃，蕭呼曰：我苟生無益，願今日死君前，刑者斷其臂，乃殺雍，蕭意象晏然，觀者哀歎，是夕死，大和中，詔贈蕭為蘭陵縣君。

五代王凝妻李氏，凝家青齊間，為魏州司戶參軍，以疾卒于官，家素貧，子尚幼，李氏携其子，負疑遺骸以歸，東過，封止於旅舍，王人不納，李氏顧天色已暮，不肯去，一人牽其臂而出之，李氏仰天慟曰：我為婦人，不能守節，而此中為人，所執耶？即引斧自斷其臂，見者為之嘆。

江開封尹聞之自其事於朝厚恤李氏而答其主人
宋 纒妻崔氏纒拯之子早亡惟一稚兒拯夫婦意崔不
能守使左右嘗其心崔遂垢涕泣出堂下見拯曰翁天
下名公也婦得齒賤獲執滄滌之事幸矣况敢汙家乎
生為包氏婦死為包氏鬼誓無它也其後稚兒亦卒母
呂自荊州來誘崔欲嫁之謂曰喪夫守子子死孰守崔
曰昔之留也非以子也舅姑故也今舅殘姑老忍舍去
乎呂怒曰我寧死此決不獨歸崔曰母遠來義不當使
母獨還然至荊州儻以不義見迫必絕於尺組之下願
以屍還包氏遂偕去母見其誓必死卒還包氏
張晉卿妻丁氏靖康中與晉卿避兵於大隗山中為金

兵所得挾之鞍上丁自投于地戟手大罵連呼曰我死
即死耳誓不受辱於爾輩復扶上馬再三罵不已卒忿
然舉挺縱擊遂死杖下

馬元穎妻榮氏建炎二年賊張遇寇儀真榮與其姑及
二女走維揚姑素羸榮扶掖不忍舍俄賊至脅之不從
賊殺其女脅之益急榮厲聲詬罵遂殺之

李好義妻馬氏開禧間好義為興州正將蜀將吳曦叛
好義誓死報國迺夜饗士麾眾受甲與昆李及子姓拜
於家廟囑馬氏曰日出無耗當自為計死生從此決
矣馬氏曰汝為朝廷誅賊何以家為我決不辱李家門
好義喜曰婦人女子尚念朝廷不愛性命我輩當何

如衆皆踊躍果誅賊而還

一貞婦夫家臨海人也德祐二年冬元兵入浙東貞婦
其舅姑夫皆被執既而舅姑與夫皆死王將見婦哲
羨欲內之婦號慟欲自殺為奪挽不得死夜令俘囚婦
人雜守之婦乃陽謂王將曰若以吾為妻妾者欲令終
身善事王君也吾舅姑與夫死而不為之妾是不天
也不天之人若將焉用之願請為服期即惟命苟不聽
我我終死耳不能為若妻也王將恐其誠死許之然防
守益嚴明年春師還挈行至嶮縣青楓嶺下臨絕壑婦
侍守者少懈齧指出血書字石上南望慟哭自投崖下
而死後其血皆漬入石間盡化為石天且陰雨即墳起

如始書時元至治中旌為貞婦郡守立石祠嶺上易名
曰清風嶺

謝枋得妻李氏宋末枋得起兵守安仁兵敗逃入閩中
時武萬戶以枋得豪傑恐其扇變購捕之根及其家人
李氏携二子匿貴溪山荆棘中採草木而食武兵蹤迹
至山中令曰苟不獲李氏屠而墟李聞之曰豈可以我
故累人吾出事塞矣遂就俘明年徙囚建康或指李言
曰是當沒入矣李聞之撫二子淒然而泣左右曰雖沒
入將不失官人妻何泣也李曰吾豈可嫁二夫耶顧
二子曰若幸生還善事吾姑吾不得終養矣是以解
裙帶自經獄中死

許古妻劉氏初古挈家僑居蒲城其後仕于金元兵圍
蒲劉謂二女曰汝父在朝而兵勢如此事不可保若城
破被驅一為所汗奈何不若俱死以自全已而攻城益
急劉與二女相繼自盡

譚氏婦趙吉州永新人宋末江南郡縣皆附元永新復
嬰城自守元兵破城趙氏抱嬰兒隨其舅姑同匿鄉校
中為悍卒所獲殺其舅姑執趙欲汗之不可臨之以刃
曰從我則生不從則死趙罵曰吾舅死於汝吾姑又死
於汝吾與其不義而生寧從吾舅姑以死耳遂與嬰兒
同遇害血漬禮殿兩楹之間入甕為婦人與嬰兒狀久
而宛然如新或訝之磨以沙石不滅又鍛以熾炭其狀

益顯

元劉平妻胡烈婦至元七年平當戍棗陽車載其家以行
夜宿沙河傍有虎至銜平去胡覺起追之持虎足顧呼
車中兒取刀殺虎虎死扶平還入棗陽城求醫以傷卒
縣官言狀命恤其母子仍旌異之

李如忠繼室馮氏名淑安大名宦家女如忠初娶蒙古
氏生子任而卒再娶馮氏如忠為山陰縣尹病篤謂馮
曰吾已矣其柩汝何馮氏引刀斷髮自誓不他適如忠
後月遺言生子名伏李氏及蒙古氏之族在此聞如
忠及相率來食其馮氏病取其費及任以去馮不與
較一室蕭然惟餘如忠及蒙古氏之柩而已朝夕哭泣

隣里不忍聞父之鬻衣權厝一椀載及山下携其子
廬基側時年始二十一羸形苦節為女師以自給父母
來視之憐其孤苦欲使更事人馮公面流血不肯從居
二十年始護喪歸葬汶上齊魯之人聞之莫不嘆息
李五妻張氏濟南鄒平縣人年十八夫戍福建之福寧
洲死於戍時舅姑父母俱老家貧張自度不能歸其夫
喪益自勤苦蠶繅紡績以為養舅姑父母繼死喪葬訖
嘆曰夫死數千里外不能歸骨以葬者以舅姑父母無
所仰故也今不幸舅姑父母皆死而夫之骨終暴棄遠
土妾何以生為乃卧積冰上誓曰使妾卒能歸夫之骨
以葬即幸不凍死卧月餘不死鄉人異之乃相率贈以

錢張大書其事于衣以行由鄒平至福寧凡五千餘里
不四十日而至得見其猶子問夫所葬處則已忘之夫
張哀號欲絕忽其夫降于童道別及死哀苦狀且指示
骨所在張如其言求之果得骨以歸有司上其事遂旌
表其門復其身

惠士玄妻王氏至正十四年士玄病革王氏曰吾聞病
者冀醫則愈乃嘗其糞頗甘王氏色愈憂士玄屬王氏
曰我病必不起前妾所生子汝善保護之待此子稍長
及自死王氏泣曰君何出此言耶設有不諱妾
當死尚復有他君幸有兄嫂此兒必不失所居
數日士玄卒比葬王氏遂居墓側蓬首垢面哀毀逾禮

常以妾子置左右飲食寒煖惟恐不至歲餘妾子亦死
死曰無復望矣
死於樹矣
皆携酒在案士玄于墓祭畢衆欲行酒王氏已經

周婦毛氏姿色至正十五年隨其夫避亂麻鷲山中
為賊所得脅之曰從我多與若金否則殺汝毛氏曰寧
剖我心不願汝金賊以刀磨其身毛氏因大罵曰碎骨
賊汝碎則臭我碎則香賊怒剗其胸而去

黃仲起妻朱氏至正十六年張士誠寇杭州其女臨安
奴倉皇言曰賊至矣我別母求一死也俄而賊驅諸婦
至其家且指朱氏母子曰為我看守日暮我當至也朱

氏聞之懼受辱遂與女俱縊死妾馮氏嘆曰我生何為
亦自縊死繼而仲起弟婦蔡氏抱幼子玄童與乳母皆
自縊及墓賊至見諸屍滿室盡掠其家財而去

趙洙妻許氏集賢大學士有壬之姪女也至正十九年
紅巾賊陷遼陽洙時為儒學提舉夫婦避亂匿資善寺
洙以叱賊見害許氏不知也賊其言誘許氏令指示金
銀之愿許氏大言曰吾詩書冠冕故家不幸遇難但知
守節而死他皆不知也賊以刃脅之許氏色不變已而
其夫死曰慟哭伏地罵聲不絕口且曰吾母居武昌
於賊吾女兄弟下死賊今吾夫又死焉使我得報汝
當醢汝矣遂遇害寺僧見許氏死狀哀其貞烈賊退與

殊合葬之

李仲義妻劉氏各奉哥至正二十年房山縣大饑平章
哈刺不花兵之食執仲義欲奪之劉氏聞之遽往涕
泣伏地告曰所執者吾夫也乞矜憐之貸其生吾家有
醬一甕米一斗五升窖于地中可掘取之以代吾夫兵
不從劉氏曰吾夫瘦小不可食吾聞婦人肥黑者味美
吾肥且黑願就烹以代夫死兵遂釋其夫而享劉氏聞
者莫不哀之

江文鑄妻范氏名妙元年二十一歸于江及門未合音色
夫忽以癩疾卒范曰我既入江氏之門即江氏
婦也豈以夫亡有異志哉遂居江氏之家卒年九十五

王野妻柳氏未成婚而野卒柳哭之盡哀誓不再嫁其
兄將奪其志柳曰業已歸王氏雖未成婚而夫婦之禮
已定夫雖凍餓死豈有他志哉後寢疾不肯服藥曰二
十六而寡今已逾半百得死此疾幸矣遂卒
裴皮鐵妻李氏皮鐵疫死李氏年二十二停柩二年晝
夜哀臨比葬之日陳祭辭柩畢縊于屋西桑樹而死鄉
人義之遂合葬焉

國朝任士中妻俞氏年二十而寡一女生二歲男始五閱
姑先卒男生于遠方家貧無所依親戚咸勸之再適
俞氏曰吾不忍心呼他人為父耶遂截髮自誓親戚
復強之欲自刎衆懼而止以紡績為業教育子女女長

嫁俞邦用亦早寡所親憐其貧亦勸之更嫁女曰我再嫁夫家宗祀誰主之寧死不改節以辱吾母乃歸與母同居守志有言上其事遂旌表所居曰雙節之門


步善慶妻陳氏善慶為瘠於陳以疾卒陳氏哀痛三年如一日服除拜其父母兄弟乞養以終身父曰汝年尚少當為汝更擇配女不答即日自經死事聞詔旌表之

傅驢兒妻岳氏年十八未有子驢兒病且死囑之曰我死汝善事後人岳氏泣曰妾終不令君獨死而妾獨生今敢以事他人妾不為也驢兒卒馮屍號慟明且自經死

徐得安妻陳氏年二十時得安病革謂之曰汝年少無

子我死從汝更嫁陳泣曰既為君婦尚忍事他姓乎即割耳剪髮為誓得安死納之棺中終身不改節事聞詔旌表之

嚴庸妻袁氏事舅姑孝姑疾侍湯藥不懈甚為鄉隣所稱庸時為儒學生一月歸省途中值水溺死袁時年十八亟趨夫溺處尋屍不見因大哭曰夫死無子我獨生何為即投水死兩月餘水退漁人於沙際見一屍同處皆以為節義所感有司以聞旌為貞烈



五倫書

卷之九

三

Faded vertical text within a rectangular border, likely bleed-through from the reverse side of the page.

